



Broj: 0101-2615-7/17
Sarajevo, 03. 05. 2017. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i odredaba Pravilnika o postupku dodjele ugovora o uslugama iz Anexa II. Dio B Zakona o javnim nabavkama („Službeni glasnik BiH“ broj: 66/16), u skladu sa članom 59. Statuta Univerziteta u Sarajevu, na preporuku Komisije za provođenje postupka javne nabavke broj: 0101-2615-6/17 od 03. 05. 2017. godine, rektor Univerziteta u Sarajevu je d o n i o

ODLUKA
o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za provođenje postupka javne nabavke broj: 0101-2615-6/17 od 03. 05. 2017. godine i ugovor o javnoj nabavci usluge-Posluživanje toplih napitaka dodjeljuje ponuđaču JU “Studentski centar” Podgaj 6, Sarajevo, čija ukupna cijena ponude sa uračunatim popustom iznosi:

14.883,96 KM bez PDV-a,

(slovima: četrnaest hiljada osam stotina osamdeset tri KM i 96/100), što sa PDV-om iznosi:

17.414,23 KM sa PDV-om

(slovima: sedamnaest hiljada četiristotine četrnaest KM i 23/100),

iz razloga što je u postupku po odredbama Pravilnika o postupku dodjele ugovora o uslugama iz Aneksa II. dio B Zakona o javnim nabavkama, ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

Član 2.

Univerzitet u Sarajevu će po sticanju zakonskih uslova sa izabranim ponuđačem iz člana 1. ove Odluke zaključiti ugovor o izvršenju predmetnih usluga.

Član 3.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

Član 5.

Ova Odluka stupa na snagu danom donošenja.

Obrazloženje

Na osnovu Odluke o pokretanju postupka javne nabavke broj: 0101-2615-1/17 od 14. 04. 2017. godine, Univerzitet u Sarajevu je pokrenuo postupak nabavke usluge-Posluživanje toplih napitaka po odredbama Pravilnika o postupku dodjele ugovora o uslugama iz Aneksa II. dio B Zakona o javnim nabavkama.

Odlukom broj: 0101-2615-2/17 od 14. 04. 2017. godine, imenovana je Komisija za provođenje postupka predmetne javne nabavke.

Iz Zapisnika o pregledu i ocjeni ponuda se vidi da je dana 17. 04. 2017. godine, na web stranici Univerziteta u Sarajevu, objavljen Poziv za dostavljanje ponuda za nabavku usluge- Posluživanje toplih napitaka prema odredbama Pravilnika o postupku dodjele ugovora o uslugama iz Aneksa II. Dio B Zakona o javnim nabavkama.

Iz Zapisnika o pregledu i ocjeni ponuda se vidi da je dana 17. 04. 2017. godine upućen poziv za dostavljanje ponude sljedećim ponuđačima:

1. Caffe von Habsburg Sarajevo Branilaca Sarajeva 13, 71000 Sarajevo;
2. SPAZIO CAFFE MANUEL, Radićeva 11, 71 000 Sarajevo;
3. JU "Studentski centar" Podgaj 6, Sarajevo.

Iz Zapisnika Komisije za javne nabavke je vidljivo da je do krajnjeg roka za dostavljanje ponuda –do 03. 05. 2017. do 10,00 sati blagovremeno dostavljena ponuda ponuđača: JU „Studentski centar“ Podgaj 6, Sarajevo.

Komisija za provođenje postupka nabavke je dana 03. 05. 2017. godine u 10,15 sati pristupila otvaranju prispjele ponude. Otvaranje ponude je izvršeno bez prisustva ponuđača.

Zapisnik sa otvaranja ponuda je sačinjen i u zakonskom roku dostavljen ponuđaču JU „Studentski centar“ Podgaj 6, Sarajevo.

Iz Zapisnika Komisije za javnu nabavku je vidljivo da nije bilo neblagovremenih ponuda.

Iz Zapisnika Komisije je vidljivo da Komisija za javnu nabavku nije imala nejasnoća u ponudi ponuđača.

Iz Zapisnika Komisije je vidljivo da se Komisija sastala odmah poslije otvaranja ponuda dana 03. 05. 2017. godine i pristupila pregledu i ocjeni ponude, odnosno provjeri da li je ponuđač ispunio kvalifikacijske uslove, koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije, te da li je kvalifikovan za vršenje predmetnih usluga.

Komisija za provođenje postupka nabavke je u Zapisniku konstatovala da je nakon pregleda i ocjene ponude utvrdila da ponuđač JU „Studentski centar“ Podgaj 6, Sarajevo ispunjava sve uslove za kvalifikaciju, odnosno da je ponuda ponuđača JU Studentski centar Podgaj 6, Sarajevo, prihvatljiva.

Komisija za provođenje postupka nabavke je provjerila računsku ispravnost dostavljene ponude i utvrdila da u ponudi ponuđača JU „Studentski centar“ Podgaj 6, Sarajevo nije bilo računskih grešaka.

Iz Zapisnika Komisije za javne nabavke je vidljivo da je Komisija, sačinila rangiranje prema kriterijumu najniža cijena na slijedeći način:

| Red. br. na rang listi | Naziv i sjedište ponuđača | Ponuđeni popust | Ukupna cijena ponude |
|------------------------|---|------------------|---|
| 1. | JU „Studentski centar“ Podgaj 6, Sarajevo | 1% =150,34 KM | 15.034,30 KM bez PDV-a 1% =150,34 KM 14.883,96 KM bez PDV-a (sa popustom) 2.530,27=PDV 17.414,23 KM sa PDV-om |

Komisija za provođenje postupka nabavke, daje prijedlog rektoru Univerziteta u Sarajevu da za nabavku usluge-Posluživanje toplih napitaka, donese odluku o izboru najpovoljnijeg ponuđača i dodjeli ugovor ponuđaču JU „Studentski centar“ Podgaj 6, Sarajevo, čija ponuda je, u skladu sa kriterijom najniža cijena tehnički zadovoljavajuće ponude, ocijenjena kao najpovoljnija čija ukupna cijena ponude sa uračunatim popustom iznosi:

14.883,96 KM bez PDV-a,

(slovima: četrnaesthiljadaosamstotinaosamdesettri KM i 96/100), što sa PDV-om iznosi:

17.414,23 KM sa PDV-om

(slovima: sedamnaesthiljadačetiristotinečetnaest KM i 23/100),

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, u roku od 30 (trideset) dana od dana objave obavještenja o dodjeli ugovora. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj



Dostaviti:

1. JU „Studentski centar“ Podgaj 6, Sarajevo
2. Prorektor za finansije
3. Generalni sekretar
4. Služba za računovodstvo i finansije UNSA
5. u evidenciju javnih nabavki
6. web stranica UNSA
7. a/a

Prilog: Zapisnik o pregledu i ocjeni ponuda